

हलिं नेवाः न्ह्यसःलिसः कासाय् न्ह्यसः दयेकेगु इवल्य



- केशरमान ताम्राकार
शिकागो, अमेरिका ।

नेपालय् जुइगु अन्तर क्याम्पस व अन्तर मा.वि. नेपालभाषा न्ह्यसःलिसः कासा दूगु प्यंगू दशक लिपा हलिमय् हलिं नेवाः दबूया ग्वसालय् सन् २०२१ अथे धयागु नेपाल संबत् १९४१ य् न्हापांगु हलिं नेवाः न्ह्यसःलिसः कासा जुल । थुगु कासाय् हलिंया न्यागू देस- अमेरिका, क्यानाडा, बेलायत, इष्टोनिया व नेपालं यानाः ब्याक्क २० गू पुचलं ब्वति काःगु जुल । अथे हे नेपाल संबत् १९४३ स जूगु निक्वःगु हलिं नेवाः न्ह्यसःलिसः कासाय् स्वंगू देय्- नेपाल, अमेरिका व बेलायतपाखें २१ गू पुचलं ब्वति काल । न्हापांगु न्ह्यसःलिसः कासाय् क्यानाडाया बिमल मान श्रेष्ठ व निक्वःगु न्ह्यसःलिसः कासाय् अमेरिका, बोस्टनया समन्तश्री रत्न बज्राचार्य भाजुपिन्सं कजिकथं भाला कुबिया दीगु खः । अथे हे निगुलिं कासाय् न्ह्यसः दयेकेगु ज्याया भाला जितः लःल्हाःगु खः । न्हापांगु न्ह्यसःलिसः कासाय् न्ह्यसःलिसः निर्माण कमिटी जिगु कजिसुइ क्यानाडाया उत्तम माकःजु, नरेश ताम्राकार व प्रज्वल प्रधान, अथे हे अमेरिकाया नारायण राजभण्डारी, नेपाःया उदेन न्हूसाय्मि, व शाक्य सुरेनपिं दुथ्याःगु जुल । अथे हे निक्वःगु न्ह्यसःलिसः दयेकेगु कमिटिइ जिगु कजिसुइ बोस्टनया समन्तश्री रत्न बज्राचार्य, न्यूयोर्कया डा. नरेश मान शाक्य, फिलाडेल्फिया, पेन्सिलभेनियाया डा. सुशील बहादुर ताम्राकार, बेलायतया संयुक्त श्रेष्ठ व नेपाःया पौभाः साय्मिपिं दुथ्याःगु जुल ।

मुक्कं यानाः न्हापांगु चरणया कासायात छगू कासाय् २४ गू न्ह्यसः व उकिया सम्भावित लिसः माःगु जुल । न्हापांगु चरणया ५ गू कासायात १२० गू न्ह्यसः माःगु जुल । प्यंगू क्वाटर फाइनलया प्रत्येक कासाय् २८ गू न्ह्यसः यायेबलय् ११२ गू न्ह्यसःत, निगू सेमि फाइनलय् २८ गू न्ह्यसःया ल्याखं ५६ गू न्ह्यसःत व फाइनलयात ३२ गू न्ह्यसःत यानाः कासा ज्वःछियात मुक्कं ३२० गू न्ह्यसःत माःगु जुल । थुलि न्ह्यसःयात जिमिसं द्रुछिं मयाक न्ह्यसःत मुंकाः न्ह्यसः बैक दयेकागु जुल । अले न्ह्यसःलिसः कासाय् न्यनेज्यूगु न्ह्यसःत छखे चीका । अनलि व हे बैकं माःमाःगु न्ह्यसःत ल्ययेगु ज्या यानागु जुल । न्ह्यसः निर्माण यायेगु भवलय् थुगु कासाया मू आज्जुकथं भाय्, कला, साहित्य, इतिहास, तजिलजि, लिपि, मे, हुलाप्याखं, सकिपा, कासा, त्वाः बहाः, ब्यक्तित्व म्हसीका आदियात कःघानाः ५० प्रतिशत अले ल्यंगु ५० प्रतिशतय्

नेपाःया सामान्य ज्ञान, क्वाःक्वाःगु बुखँ, राजनीति, अन्तर्राष्ट्रिय कासा, संगीत, सकिपा आदि दुथ्याकागु जुल ।

न्त्यसः दयेकेगु ज्याय् दकलय् थाकुगु व ई काइगु ज्या धयागु न्त्यसः व उकिया सम्भावित लिसः खः । न्त्यसःलिसः कासायात माःगु न्त्यसःत दयेकाः न्त्यसः निर्माण कमिटीया दुजःपिन्त छवयेगु ज्या जुइ । छन्हु निन्हु वय्कःपिन्त ई बियाः छन्हु सकस्यां लाःगु इलय् स्वघौ प्यघौ ई बिकाः उगु न्त्यसः सेटया विषययात कयाः सहलह जुइ । ब्वति काइपिनिगु स्तर स्वयाः न्त्यसःत व उकिया लिसः पाय्छि जू मजू, न्त्यसःया ब्वथलाकथं ५० प्रतिशत नेपालभाषा सम्बन्धि न्त्यसः लाः मलाः अथे हे नेपालभाषा व अंग्रेजि भाय्या शुद्धाशुद्धियात नं उलि हे ध्यान बीमाल । पुचःया दुजःतय् दुने खँ व्याकाःलि न्त्यसःलिसःया सेट तयार यानाः उगु सेट कासाया निंतिं सफ्टवेयर दयेकेत हलिं नेवाः दबूया आःयाम्ह नायः भाजु संयुक्त श्रेष्ठयात छवयावीगु खः । न्हापांगु व निक्वःगु निगुलिं कासाया सफ्टवेयर दयेकेगु भाला वय्कलं कयादीगु खः ।

न्त्यसः व सम्भावित लिसःया लिसें न्त्यसःलिसे ज्वःलाःगु किपात तयाः सफ्टवेयर दयेके सिधयेकाः वय्कलं उगु सफ्टवेयरयात पिडिएफ फाइल दयेकाः छवया हयादीगु जुल । उगु पिडिएफ फाइल स्वयाः सकतां पाय्छि जू धयागु लिसः पुचःपाखें वनेवं वय्कलं उगु प्रोग्राम बांलाक रन जू मजू परिक्षण यानाः छन्हुन्त्यः क्वीज मास्टरयात छवयादी । हानं छकः क्वीज मास्टरं उगु प्रोग्रामयात थःगु कम्प्युटरय् तयाः बांलाक ज्या याः मयाः परिक्षण यानाःलि पाय्छि जुइवं न्त्यसःलिसः कासाय् छ्यली । छुं जुयाः क्वीज मास्टरयात चले याये अःपु मजू बाय् उगु प्रोग्राम चले मजूगु खनेदुसा कासा जुइन्त्यः प्रोग्रामर भाजुयात सुचं बियाः दयेकेगु बाय् निर्देशन बीगु ज्या जुइ ।

निगुलिं न्त्यसःलिसः कासा डिजिटल प्रविधिपाखें अनलाइनय् जूगु खः । न्हापांगु न्त्यसःलिसः कासाया न्हापांगु चरण व क्वाटर फाइनलतक मुक्कं अनलाइनं जूगु खः । अले सेमि फाइनल व फाइनल अनलाइन व भौतिक रुपं जूगु खःसा निक्वःगु न्त्यसःलिसः कासाया न्हापांगु चरण जक मुक्कं अनलाइनं जुल । अले क्वाटर फाइनलनिसें अनलाइन व भौतिककथं फुक्कं ब्वति काइपिन्त छगू हे क्वथाय् तयाः न्त्यसःलिसः कासा न्त्याकूगु जुल ।

न्हापांगु न्त्यसःलिसः कासाय् ब्वति काःपिं पुचःयात थी थी स्वांया नां ब्यूगु खः । गथेकि- गुणकेरा स्वां, दापवः स्वां आदि । निक्वःगु न्त्यसःलिसः

कासाय् धा:सा स्वांया नांया पल्सा नेवा: मरिचरिया नां गथेकि- लाखामरि, चतांमरि आदि ब्यूगु जुल ।

निक्व:गु हलिं नेवा: न्ह्यस:लिस: कासाय् जिमिसं ३२ गू न्ह्यस: न्यनागु ख: । २ गू न्ह्यस:या लिस: सुनानं बी मफुत, अथे धयागु ३२ गू न्ह्यसलय् ६.२५% लिस: सुनानं मसिल । अले ९३.७५% न्ह्यस:या लिस: पाय्छि बीत ता:लात ।

कासाय् न्यनेवं उकिया लिस: बिल धा:सा व पुच:यात २० गू ल्या:, निगूगु पुचलं लिस: बिल धा:सा १५ गू ल्या:, स्वंगूगु पुचलं लिस: बिल धा:सा १० गू ल्या: व प्यंगूगु पुचलं लिस: बिल धा:सा उगु पुच:यात ५ ल्या: बीगु जुइ ।

थुगु बिजं कासाय् मुक्कं ३२ गू न्ह्यसलय् न्यनेवं लिस: व:गु न्ह्यस: ६ गू जुल । खुगु न्ह्यस:या लिस: बिया: २० ल्या: का:गु जुल । अथे हे ५ गू न्ह्यस:या दकलय् लिपांगु पुचलं ब्यूगु न्ह्यस:या लिस: ५ गू जुल । मेगु १९ गू न्ह्यस:या लिस: बिया: १५ गू व १० गू ल्या: का:गु ख: । न्हापांगु हलिं नेवा: न्ह्यस:लिस: कासाया सिरपा: न्हाप, ल्यू, लियां ल्यू व प्यंगूगु ला:पिन्त छसिकथं अमेरिकी डलर खुस:, प्यस:त्या, स्वस: व सत्या ख:सा निक्व:गु हलिं नेवा: न्ह्यस:लिस: कासाय् त्या:पिन्त न्हाप, ल्यू, लियां ल्यू व प्यंगूगु ला:पिन्त अमेरिकी डलर द्र:छि, च्यास:, खुस: व प्यस: ब्यूगु जुल ।

छगूकथं धायेगु ख:सा निगुलिं कासाया बिजं कासाय् तसकं धें धें बल्ला: जूगु दु, प्रतिस्पर्धी जूगु दु । कासाय् व्वति का: भ्रा:पिं कासामिपिन्सं तसकं तयारि या:गु खनेदु । न्हूगु पुस्तायात बौद्धिक ज्ञान बीगु व भीगु सभ्यतायात दुग्यंक म्हसीका: ज्ञानया धुकू बल्लाकेगु ज्याय् थज्या:गु हलिं नेवा: न्ह्यस:लिस: कासा यानावं च्वनेमा: ।

